

Broj: 04-32.9-1582/14
Datum: 12.5.2014

Bosna i Hercegovina
FEDERACIJA BOSNE I HERCEGOVINE
OPĆINA STARI GRAD - SARAJEVO
N/r Načelnika općine

Predmet: Obavijest o provođenju Ankete o potrošnji domaćinstava/kućanstava u BiH 2015

Poštovani,

Prema Zakonu o statistici u Federaciji Bosne i Hercegovine („Službene novine Federacije Bosne i Hercegovine“, br. 63/03 i 9/09) i u skladu sa Godišnjim planom provođenja statističkih istraživanja u Federaciji Bosne i Hercegovine za 2014. godinu, Federalni zavod za statistiku će provoditi Anketu o potrošnji domaćinstava/kućanstava u BiH 2015.

Anketa o potrošnji domaćinstava/kućanstava u BiH je statističko istraživanje kojim se od izabranih domaćinstava prikupljaju podaci o izdacima za potrošnju, potrošnji iz vlastite proizvodnje, investiranju i prihodima domaćinstava/kućanstava. Istovremeno, anketom se prikupljaju i podaci o važnijim pokazateljima životnog standarda, kao i podaci o osnovnim demografskim, ekonomskim i socijalnim karakteristikama domaćinstava/kućanstava.

Na temelju podataka prikupljenih ovom anketom izračunavat će se veličina i struktura prosječne mjesečne i godišnje potrošnje domaćinstava/kućanstava u Federaciji BiH i Bosni i Hercegovini kao cjelini. Podaci o izdacima za hranu, odjeću, obuću, stanovanje, kupovinu trajnih potrošnih dobara, osobne usluge i drugi podaci će biti podloga za mjerenje osobne potrošnje domaćinstava/kućanstava i investiranja domaćinstava/kućanstava na ukupnom nivou/razini, te za druge socio-ekonomske analize. Time će se učiniti značajan doprinos u razvoju statističkog sistema/sustava u Bosni i Hercegovini sukladno sa europskim i međunarodnim standardima.

Anketa se provodi u toku cijele 2015. godine, s tim što se svakog mjeseca domaćinstva/kućanstva mijenjaju. U Federaciji Bosne i Hercegovine će biti anketirano 6.141 domaćinstvo/kućanstvo izabrano u uzorak metodom slučajnog odabira, u svim općinama Federacije BiH. Od toga u općini Stari Grad Sarajevo će biti anketirano 129 domaćinstava/kućanstava.

Ukoliko budete imali bilo kakvih pitanja u pogledu ove ankete, možete se obratiti osobama zaduženim za provođenje ovog istraživanja u Federalnom zavodu za statistiku na tel. **033 20 64 52**, lokal **149 i 249**.

S poštovanjem,



DIREKTOR
Hidajeta Bajramović